



UNIVERSITÄTS-
BIBLIOTHEK
PADERBORN

Canones Congregationvm Generalivm Societatis Iesv

Jesuiten

Romae, M. D. XC.

Canones tertiæ Congregationis generalis.

[urn:nbn:de:hbz:466:1-68269](https://nbn-resolving.org/urn:nbn:de:hbz:466:1-68269)

CANONES TERTIAE

Congregationis Generalis aucto-

ritate Quarta reco- gniti.

Decre. 61. Cō gr. 4.

D. 29.



CTVS ille, quo is, qui in Societatem admittitur, promittit se post primum annum bona sua distributurū; nec votum est, nec solum propositum, sed promissio

Circa Exam. c. 4. §. 2.

simplex illa conditione affecta, scilicet, si is perseverauerit, & Superior illi iniunxerit. Constitutio vero ut sonat, obseruanda est: praxis autem Constitutionis huius, iudicio Praepositi Generalis, qui maius Dei obsequium intuebitur, est relin- quenda.

D. 33. In Cō- gr. 2. d. 73.

2 Nullo modo expungendæ sunt Con- stitutiones, quæ ratione temporum, vel alias ob causas in praxi nō sunt: sed potius oportet, ut inuiolatæ permaneant, ut qua- les a Sanctæ memoriæ Reuerēdo Patre no- stro Ignatio acceptæ sunt, tales omnino ad posteros transmittantur.

Circa. 1. p. Cō sit. in proce. decl. §. 1.

D. 26. Can. 3. Congr. 2.

3 Eadem prouincia, in qua primo capi- te tertiæ partis Constitutionum, distribuē da esse dicuntur bona nostrorum, quæ illi Societati dare volunt; intelligenda est, in qua sunt ipsa bona, non autem in qua quis Societatem ingreditur, aut versatur. Sumi- tur

Circa 3. par. Consi. c. 1. §. 9.

tur

tur autem Prouinciæ nomen more Societatis, prout scilicet vni Præposito Prouinciali subest. Quod si in eadē Prouincia sint plura Domina diuersis Principibus subiecta, diligēter seruetur eadem Constitutio; vt scilicet in transferendis huiusmodi bonis ex vno Dominio in aliud eiusdem Prouinciæ, habeatur ratio Regum, Principum, ac aliorum Potentatum, ne illis causa vllæ offensionis detur, sed ad maiorem ædificationem omnium, & spiritualem vtilitatem animarum, & ad Dei gloriam omnia cedant. Præter hæc autem, si quæ aliæ difficultates orientur, eas prudentia, & auctoritas Patris Generalis submouebit.

D.61. 4. Quamquam nostris, qui de bonis suis disposituri sunt, liceat pactiones cum suis parentibus, & quibuscumque alijs de legitima parte, & alijs bonis ad se pertinentibus inire; admonēdi tamen sunt illi prius, Societatem ipsam ad ea bona nullum ius habere. Sed ne pactiones huiusmodi fiant, nisi prius Generalis Præpositus informetur de conditione disponentis, & de re tota; & uniuersa huius rei praxis ex ipsius iudicio exerceatur.

D.60. 5. Regula illa de separata mensa Superiorū, de qua in prima Cōgregatione facta fuit mentio; de cetero vim non obtineat. Per hoc tamē non excluditur antiqua illa consuetudo a Patribus Generalibus cū ratione

P.3.c.1.
S.9.

P.6.c.
2.S.12.
& in 1.
Congr.
tit.2., d.
24.

In 1.
Congr.
tit.4. d.
5.

P.3.c.2.
S.3.

tionē

tione obseruata, tam in sua mēsa, quam vt etiam cum alijs ex causa dispēsetur, prout in Domino magis expedire existimauerit ipse Reuerendus Pater Generalis.

D. 67.
Can. 7.
Cōg. 2.

6 Collegia, in quibus propria Collegiorum munia nō exercentur, vel quia inchoata quidem, sed non plene constituta sunt, vel quia ædificandi necessitas non patitur nostros legere, nec Scholasticos illic salū, Præpositus Generalis iudicabit, an, & quādiu ex eleemosynis, vel ex redditibus viuere debeant, & faciet quod in Domino expedire iudicauerit.

Circa
4. p. Cō
sti. c. 2.
s. 2. &
6.

D. 37.

7 Tam intelligentia, quam praxis illius Constitutionis capitis secundi, partis quartæ, paragrapho 6. in qua dicitur, Nec eleemosynas, nec dona vlla admittenda esse in ijs Collegijs, quę duodecim Scholasticos præter Præceptores, ex proprijs redditibus alere possunt; exigenda est ad finem ædificationis: & arbitrio Patris Generalis relinquitur, vt habita ratione huius finis, & Constitutionis vsum præscribat, & eandem interpretetur, & si opus esset in ea dispēset.

P. 4. c. 2.
s. 6.

P. 4. c.
14. s. 3.

D. 72.

8 Reuerendus Pater noster Præpositus Generalis commendatum magnopere habeat, vt Præceptores nostri, qui Aristotelē interpretantur, non nisi cum magno selectu interpretes eos legāt, qui cōtra Christiana dogmata impie scripserūt, & maxime ad ea

C impu-

impugnanda, quæ Christianæ veritati ad-
 uersantur, & ita Philosophiam interpretē-
 tur, vt vere Theologiæ scholasticæ, quam
 nobis commendant Constitutiones, ancil-
 lari, & subseruire faciant.

P. 4. c.
 12. S. 1.
 & c. 14.
 S. 1.
 D. 58.

9 Cantus in Ecclesijs Societatis indu-
 ctus iuxta declarationem capituli tertij, par-
 tis sextæ, sit deuotus, suauis, & simplex, non
 figuratus, aut firmus: & in ijs tantum lo-
 cis retineatur, vbi per nostros, non admis-
 sis externis, commode exerceri potest, & fi-
 nis sequitur, quem prædicta Constitutio
 proponit iuxta canonem vigesimum quar-
 tum Congregationis secundæ: locum tamē
 habeat dispensatio, præsertim inter hære-
 ticos, & infideles, quoad inductionem, re-
 tentionem modum, & qualitatem cantus,
 pro arbitrio Præpositi Generalis.

Can. 25
 Cōg. 1.

10 Processiones à nostris deinceps ne
 fiant: liberam tamen habeat Præpositus
 Generalis facultatem dispensandi circa
 eas retinendas, & instituendas, vbi ad
 Dei gloriam, & proximorum ædifica-
 tionem (præsertim vbi vsu receptæ sunt;
 & maxime inter hæreticos, & vbi con-
 uersioni infidelium opera datur) expe-
 dire viderit. Quod si nostri ad publicas
 supplicationes procedere cogantur, su-
 perpelliceis vtantur: vt sicut in vestitu
 sequi debemus, ita etiam in huiusmodi
 processionibus communem honestorum
 Cleri-

Circa
 6. p.
 Consti.
 c. 3. S.
 4.

P. 6. c.
 3. S. 4.

Clericorum habitum sequamur. De loco tamen, & ordine procedendi statutum est, relinquendum id esse arbitrio, & dispositioni eorum, a quibus nostri ad processiones vocantur.

D.62.

II In singulis Prouincijs seruetur mos antiquus in suffragijs faciendis, pro ijs, qui in Prouincia moriuntur: vt scilicet in eo loco, vbi quis decesserit, singuli Sacerdotes tria sacra, & singuli fratres tres coronas; in alijs vero Prouinciæ locis, duo sacra faciant, & duas coronas recitent. Pro alijs vero, qui extra Prouinciam ob-eunt, singuli Sacerdotes cuiusque Prouinciæ semel in quauis hebdomada Missæ sacrificium offerant, & singuli fratres vnâ coronam orent. Præterea de obitu cuiusque significetur per vniuersam Societatem, vt omnes Sacerdotes in Missis, vel per Collectam, vel alia ratione; reliqui vero in suis precationibus illius animam Deo commendent, pro cuiusque deuotione.

P.6.c.4
S.3.&4

D.59.

12 Ad Religiosam disciplinam, & paupertatis rationem pertinet, vt in peregrinationibus, & profectioibus nostri, quos ipso forū Superiores id præstare posse iudicauerint, in toto, vel in parte, pedestri itinere vtantur; Et ob eam causam Præpositus Generalis eam hac in re moderationem per se, & Prouinciales adhibeat, quæ Societa-

Circa
7.par.
Conti.
c.2.lit.
G.

tis nostræ instituto consentanea sit; curabitque, vt in equitando solius necessitatis, siue personæ, siue negotiorû, quâ superiores mittentes iudicabunt, ratio habeatur.

D. 31.
Can. 11
Congr.
4.

13 Professi trium votorum, seu non Professi, cum Rectores, vel Ministri sunt, Sacerdotes tamen, Professis quattuor votorum, qui apud illos versantur, seu etiam diuertunt ex itinere, iuxta regulæ communis præscriptum, præesse possunt, ac debent. Professi autem huiusmodi quattuor votorum, ad obedientiam illis præstandâ, ac subiectionem, iuxta communem locorum, vbi illi præsent, ordinem, ac regulas, teneantur. Neque id aduersatur Declarationi tertij cepitis octauæ partis, aut Decreto primæ Congregationis. Quæ cum decernit, ne Professi trium votorum, aut alij non Professi, quattuor votorum Professis præesse possint; de præsidentia in Domibus Professis, vel integris Prouincijs, vbi subditos communiter Professos esse quattuor votorum oportet, iuxta Constitutiones, intelligendum est.

Circa
8. p. C6
lit. c. 3.
lit. A.

P. 8. e.
3. lit. A.
& in 1.
Congr.
tit. 2. d.
28.

D. 73.
In 4.
Congr.
d. 16.

14 Sardinia Procurotor sine Congregatione Prouinciali possit venire ad Generalem, & ad alia ius habere suffragij, præterquam ad Generalis, & Assistentium electionem. Eligetur autem a Viceprouinciali, & Consultoribus, ac Professis quattuor votorû, qui eo in loco, vbi aderit

P. 8. e.
3. S. 10

Vice-

- Viceprouincialis, fuerint. Hoc autem intel-
ligatur quamdiu Sardinia non fiet separata
Prouincia. Simili modo ex Lusitania pro
India, & Brasilia; ac ex Bætica pro Perù,
& noua Hispania Procuratores mitti po-
terunt; si alij electi non sufficient ad nego-
cia tractanda, iudicio Cōgregationis Pro-
uincialis Lusitaniæ, & Bætici; ad quam
etiam pertinebit huiusmodi Procuratores
eligere.
- In 2.**
Congr.
d. 94. **D. 3.** 15 Vicarius Generalis, qui post obitū
Præpositi extiterit, electo nouo Generali
ad Congregationem Generalem accedet,
& locum inter Prouinciales, iuxta antiqui-
tatem suæ Professionis, habebit. **P. 8. c. 3**
S. 17.
- D. 68.** 16 Procurator Generalis, qui Romæ
fuerit tempore Congregationis Genera-
lis, ad eam deinceps admittatur post Præ-
positi electionem. **P. 8. c. 3**
S. 17. ni
Congr.
d. 1. **Congr.**
D. 27. 17 Committitur Reuerendo Patri Præ-
posito Generali, vt videat, an Domus Pro-
fessorū in magnis Ciuitatibus, quæ Socie-
tatem habere desiderant, erigi debeant; &
an curandum sit, vt plures huiusmodi Do-
mus Professæ, & pauciora Collegia ha-
beantur; eidemque commendat, vt erigen-
dis eiusmodi Domibus animum applicet;
ipsius tamen prudentiæ tempus, & locum,
& modum relinquit, quo id effici debeat. **Circa**
9. p. Cō
lli. c. 3,
S. 17.
- D. 63.** 18 Domus Professæ Fundatorem habe-
re possunt, quemadmodum & Collegia. **P. 9. c. 8**
S. 17.

Fundator autem professa Domus ille cen-
 feri debet, qui dat Ecclesiam necessarijs
 rebus ad cultum Dei ornatam; præterea
 Domum supellectili domestica, & libraria
 sufficienter instructam. Pro huiusmodi au-
 tem Fundatore ea suffragia in ipsa Domo,
 & Prouincia, in qua Domus erigitur, exhi-
 bebuntur, quæ Constitutiones quartæ par-
 tis capite primo pro Collegiorum Funda-
 toribus in tota Societate exhiberi præscri-
 bunt, excepta candelæ traditione.

D.66.

19 Si contingat Admonitorem Præpo-
 siti Generalis alio mitti, poterit idem Præ-
 positus alium ei substituere, si tantum ad
 breue tempus sit absfuturus. In casu autem
 mortis, aut diuturnæ absentia, eadem in
 alio substituendo ratio seruetur, quæ in
 substitutione Assistentium seruanda est.

P. 9. c. 4. §. 4.

P. 9. c.
 §. 9. 3. &
 in 4.
 Congr.
 Can. 25

D. 19.

20 Non eligantur a Congregatione
 substituti Assistentium.

P. 9. c. §. 2.

CA-